

ESTATUTOS DA SOCIEDADE DEPORTIVA BANDEIRA

CAPITULO I

Nº = 4-158

NORMAS XERAIS

Artigo 1º.- A Sociedade Deportiva Bandeira é unha asociación privada con personalidade xurídica e capacidade de obrar, que terá como obxectivo exclusivo o fomento e a práctica da actividade física e deportiva sen ánimo de lucro.

Artigo 2º.- A Sociedade Deportiva Bandeira practicará como principal modalidade deportiva a de FUTBOL e afiliárase á Federación Galega de Fútbol, que someterá estes Estatutos a aprobación da Dirección Xeral de Xuventude e Deportes da Xunta de Galicia.

A Xunta Directiva poderá acordar a creación de novas Seccións para a práctica doutras modalidades deportivas, debendo adscribirse ás correspondentes Federacións.

Artigo 3º.- A Sociedade Deportiva Bandeira someterase ó réxime do presuposto e patrimonio propio coas seguintes limitacións:

a) Non poderá destinar os seus bens, a fins industriais, comerciais, profesionais ou de servizo, nin exercer actividades de igual carácter co fin de repartir beneficios entre os seus socios. Os seus ingresos aplicaranse integramente.

b) Poderá fomentar manifestacións de carácter físico-deportivo dirixidas o público en xeral, aplicando os beneficios obtidos ó desenvolvemento das actividades físicas e deportivas dos seus asociados.

c) A Sociedade Deportiva Bandeira poderá gravar e allear bens inmoebles, tomar cartos en préstamo e emitir títulos transmisibles representativos de débeda ou parte alícuota patrimonial, sempre que cumpra cos seguintes requisitos:

1.- Que as ditas operacións sexan autorizadas por maioría de dous tercios dos socios presentes ou representados na Asemblea Xeral Extraordinaria.

2.- Que ditos actos non comprometan de modo irreversible o patrimonio da Entidade ou actividades físico-deportivas que constituían o seu obxecto social. Para a adecuada xustificación deste extremo poderá exixirse, sempre que o solicite como mínimo o cinco por cento dos socios de número, o oportuno dictame económico-actuarial.

Comprobado y
Conforme



3.- Cando se trate de tomar cartos en préstamo en contía superior o cincuenta por cento do presuposto anual ou que represente unha porcentaxe igual o valor do patrimonio, así como nos supostos de emisións de títulos, requerirá informe da Federación e da Dirección Xeral da Xunta de Galicia.

Artigo 4º.- A Sociedade Deportiva Bandeira poderá recibir libremente doacións que non excedan da cantidade de 500.000 pesetas. No suposto de doacións que superen esta cantidade, será necesaria a autorización expresa da Dirección Xeral de Xuventude e Deportes da Xunta de Galicia, previo informe da Federación correspondente.

Artigo 5º.- O enderezo social fíxase no Centro Cultural de Bandeira, rua Vista Alegre s/n, teléfono 584250, debendo, en caso de variación, dar conta a Dirección Xeral de Xuventude e Deportes da Xunta de Galicia.

CAPITULO II

CLASES DE SOCIOS, ADMISION, DEREITOS E OBRIGAS

Artigo 6º.- O número de socios será ilimitado. A Xunta Directiva poderá suspender, sen embargo, a admisión de novos socios cando así o esixan razóns de aforo ou de capacidade física das instalacións. Os socios poderán ser das seguintes clases: de número, honorarios, aspirantes e familiares.

Artigo 7º.- Son socios de número, tódalas persoas maiores de idade que satisfagan a cuota social establecida.

Os menores de 18 anos, de un e outro sexo, serán calificados como socios aspirantes, tendo dereito o uso das instalacións, mediante o abono da cuota que fixe a Xunta Directiva, e pasarán automaticamente a socios de número o cumpri-la maioría de idade.

Serán socios honorarios aquelas persoas as que a Xunta Directiva confira esta distinción, e terán un posto de preferencia nos actos oficiais da Sociedade.


Son socios familiares, todas aquelas persoas que dependan economicamente de un socio de número e convivan con él no mesmo enderezo.

Artigo 8º.- Primeiro.- Os socios de número terán os seguintes dereitos:

a) Contribuír ó cumprimento dos fins específicos da Sociedade.

b) Esixir da Sociedade que se axusten o disposto pola Consellería de Cultura e Deportes da Xunta de Galicia, as normas de desenvolvemento das mesmas que se establecen no presente Estatuto.

Comprobado y
Conforme



c) Separarse libremente da Asociación.

d) Coñece-las actividades da Sociedade e examina-la sua documentación, previa petición razoada a Xunta Directiva.

e) Expor libremente no seo da Sociedade.

f) Ser elector e elexible para os Organos de representación ou goberno da Asociación, sempre que teña plena capacidade de obrar.

Segundo.- Son obrigas dos socios de número:

a) Abona-las cuotas que esixa a Xunta Directiva.

b) Contribuir ó sostenemento e difusión do deporte ou deportes da Sociedade.

c) Acatar cantas disposicións dicte a Asamblea Xeral, a Xunta Directiva ou os membros da mesma, para o bo goberno da Sociedade.

Terceiro.- Os socios aspirantes terán dereito a disfrutar daqueles servizos e instalacións sociais da Asociación.

Catro.- Os familiares dos socios de número terán dereito a disfrutar daqueles servizos e instalacións que se determinen, previo pago da cuota fixada.

Artigo 9º.- Para ser admitido como socio, en calquera das súas modalidades, será necesario:

- Te-la idade sinalada para cada unha delas.
- Solicitude, por escrito, dirixida a Xunta Directiva.
- Satisface-la cuota de ingreso correspondente.

Artigo 10º.- A condición de socio pérdese:

- Por vontade propia.
- Por falta de pagamento das cuotas sociais durante tres meses consecutivos.

Comprobado y
Conforme



CAPITULO III

ORGANOS DE REPRESENTACION E GOBERNO

Artigo 11º.- Son Organos de representación e goberno da Sociedade Deportiva Bandeira a Xunta Directiva e a Asemblea Xeral.

Artigo 12º.- Primeiro.- A Xunta Directiva estará formada por un número de membros non inferior a cinco nin superior a vinte, ó fronte da cal haberá un Presidente e da que formarán parte un Secretario e un Tesoreiro.

Segundo.- O Presidente da Xunta Directiva e, no seu defecto, aqueles outros membros que determinen os Estatutos, ostentarán a representación legal da Sociedade, actuarán no seu nome e estarán obrigados a executar os acordos validamente adoptados pola Asemblea Xeral.

Terceiro.- Corresponden á Xunta Directiva as seguintes atribucións:

a) Mante-la orde e disciplina na Sociedade, así como nas competicións que se organicen.

b) Convocar, por medio do seu presidente, a Asemblea Xeral cando o estime necesario, cumprindo os acordos e decisións da mesma.

c) Sinala-las condicións e forma de admisión de novos socios, así como as cuotas de ingreso e periódicas que deben satisfacerse.

d) Redactar ou reforma-los Regulamentos de Réximen Interior, fixando as normas de uso das instalacións e as tarifas correspondentes.

e) Nomea-las persoas que dirixan as distintas comisións que se creen, así como organiza-las actividades da Sociedade.

f) Formular inventario e balance anual, así como redacta-la Memoria anual da Sociedade e, en xeral, aplicar tódalas medidas deportivas, económicas e administrativas precisas para o fomento e desenvolvemento do deporte.

Artigo 13º.- Primeiro.- A Xunta Directiva quedará validamente constituída en primeira convocatoria cando concorran nela a maioría dos seus membros. En segunda convocatoria será suficiente a concurrencia polo menos de tres dos seus membros, e en todo caso do Presidente ou Vicepresidente.



Segundo.- A Xunta Directiva será convocada pola sua presidencia con dous días de antelación, como mínimo, á data de celebración. Tamén poderá ser convocada a petición de tres ou máis dos seus membros.

Artigo 14º.- A Xunta Directiva quedará tamén validamente constituída cando estean presentes tódolos seus membros, aínda que non mediase convocatoria previa.

Artigo 15º.- Primeiro.- O Tesoreiro da Xunta Directiva será o Depositario da Asociación, firmará os recibos e autorizará os pagos e levará os libros de Contabilidade.

Segundo.- Será obriga do Tesoreiro, formalizar, durante o primeiro día de cada ano, un balance de situación e as contas de ingresos e gastos que se porán en coñecemento de tódolos asociados.

Artigo 16º.- O Secretario da Xunta Directiva coidará do arquivo e documentación, redactará cantos documentos afecten á marcha administrativa da Sociedade e levará o libro de Rexistro de Asociados e o Libro de Actas.

Artigo 17º.- A elección dos membros da Xunta Directiva efectuarase por un período de catro anos, coincidindo cos períodos olímpicos.

Artigo 18º.- Primeiro.- A Asemblea Xeral é o órgano supremo de goberno da Sociedade e estará integrada por tódolos seus socios de número.

Segundo.- As Asembleas Xerais, tanto ordinarias como extraordinarias, quedarán validamente constituídas en primeira convocatoria cando concorran a ela, presentes ou representados, a maioría dos seus asociados. En segunda convocatoria será suficiente a concorrencia de unha cuarta parte dos asociados. Entre a data da convocatoria e o día sinalado para a súa celebración, mediarán, como mínimo, quince días naturais.


Artigo 19º.- A Asemblea Xeral será convocada polo Presidente a iniciativa propia ou a petición da Xunta Directiva ou do dez por cento alomenos dos socios de número.

Primeiro.- A Asemblea Xeral reunirase con carácter ordinario polo menos unha vez ó ano para tratar as seguintes cuestións:

Comprobado y Conforme
a) Memoria, liquidación do presuposto, balance do exercicio, rendemento de contas e aprobación se procede.

b) Presuposto para o exercicio seguinte.

c) Proxectos e propostas da Xunta Directiva.



d) Proposicións que formulen os socios e que deberán ir asinadas polo menos polo quince por cento dos mesmos.

e) Rogos e preguntas.

Segundo.- Deberá celebrarse Asemblea Xeral extraordinaria para a modificación dos presentes Estatutos.

CAPITULO IV

REXIME DOCUMENTAL

Artigo 20º.- O réxime documental da Sociedade constará dos seguintes libros:

- Asociados.
- Actas.
- Contabilidade.

Artigo 21º.- No libro de Rexistro de Asociados,deberán consta-los nomes e apelidos dos socios de número,o seu documento nacional de identidade,profesión e,no seu caso,os cargos de representación,goberno e administración que exerzen na Sociedade.

Tamén especificarán as datas de altas e baixas,e as de toma de posesión e cese nos cargos aludidos.

Artigo 22º.- Nos libros de Actas,consignaranse as reunións que celebre a Asemblea Xeral e a Xunta Directiva,con expresión da data,asistentes, asuntos tratados e acordos adoptados.As actas serán firmadas,en todo caso,polo Presidente e o Secretario.

Artigo 23º.- Nos libros de Contabilidade figurarán tanto o patrimonio como os dereitos e obrigas,ingresos e gastos da Sociedade,debendo precisarse a procedencia daqueles e a inversión ou destino destes.

Comprobado y

Conforme

CAPITULO V

SECCIONS DEPORTIVAS

Artigo 24º.- Cando a Xunta Directiva acorde a práctica de unha modalidade deportiva,creará a Sección correspondente,que deberá ser afiliada á Federación que proceda.

Artigo 25º.- Cada Sección Deportiva ocuparase de todo o relativo á práctica de cada modalidade deportiva correspondente baixo a coordinación e superior dirección da Xunta Directiva.

CAPITULO VI

DA EMISION DE TITULOS DE DEBEDA OU DE PARTE ALICUOTA PATRIMONIAL

Artigo 26º.- Primeiro.- A Sociedade Deportiva Bandeira poderá emitir títulos de débeda ou de parte alícuota patrimonial.

Segundo.- Os títulos serán nominativos.

Artigo 27º.- Os títulos inscribíranse nun libro que levará para o efecto a Sociedade, no que se anotarán as sucesivas transferencias.

En tódolos títulos constará o valor nominal, a data de emisión e, no seu caso, o interese e prazo de amortización.

Artigo 28º.- Os títulos de débeda só poderán ser suscritos polos asociados, e a súa posesión non conferirá dereito algún especial ós socios agás a percepción dos intereses establecidos na lexislación vixente.

Artigo 29º.- Os títulos de parte alícuota patrimonial serán asimismo suscritos polos asociados. En ningún caso estes títulos darán dereito a percepción de dividendos ou beneficios.

Artigo 30º.- Os títulos de débeda e parte alícuota patrimonial serán transferibles unicamente entre quenes teñan a condición de socios.

Comprobado
Conforme

CAPITULO VII

REFORMA DOS ESTATUTOS E DISOLUCION DA SOCIEDADE

Artigo 31º.- Os presentes Estatutos, só poderán ser modificados, reformados ou derogados, por acordo da Asemblea Xeral Extraordinaria convocada ó efecto, mediante votación favorable dos dous tercios dos socios de número asistentes.

A reforma destes Estatutos seguirá, con respecto ó Rexistro de Asociacións Deportivas, os mesmos trámites administrativos que para a súa aprobación.

Artigo 32º.- A Sociedade Deportiva Bandeira extinguirase ou disolvase por acordo da Xunta Directiva ratificado pola Asemblea Xeral Extraordinaria que se celebrará a tal fin, cun mínimo das dúas terceiras partes dos socios de número existentes:

Artigo 33º.- Disolta a Sociedade Deportiva Bandeira o remanente do seu patrimonio social, si o houbese, revertirá a colectividade, a cuio fin comunicárase tal disolución a Dirección Xeral de Deportes e a Federación Galega, que acordará o destino de ditos bens para o fomento e desenvolvemento das actividades físico-deportivas.



C O N C E L L O

DE

SILLEDA

(PONTEVEDRA)

DON JUAN JOSE SALGUEIRO MONTOUTO, Alcalde-Presidente de este Ayuntamiento,

INFORMO:

Que el Ayuntamiento Pleno, en sesión ordinaria celebrada el día 17 de Mayo de 1985, acordó ceder en uso a la SOCIEDAD DEPORTIVA BANDEIRA las instalaciones y campo de deportes "A Candareira", sito en la parroquia de Mánduas, de esta localidad.

El plazo de dicha cesión es de 25 años, quedando comprometida la sociedad a utilizarlo para fines sociales, y en caso de incumplimiento, esta cesión quedará sin efecto.

Dicha autorización no supone la exclusión de la utilización de Campo de Deportes, ni tampoco impedimento ni óbice para su uso por el resto de los vecinos de este término, ni por el Ayuntamiento cuando lo estime oportuno para el interés de la generalidad del municipio.

SILLEDA, 27 de Abril de 1989
EL ALCALDE-PRESIDENTE,



Comprobado y
Conforme



PATRIMONIO FUNDACIONAL DA SOCIEDADE DEPORTIVA BANDEIRA


O patrimonio actual da Sociedade Deportiva Bandeira consta de:

- 1 botiquín (maletín) de primeiros auxilios.
- 5 balóns de reglamento.
- 20 camisetas talla grande.
- 26 camisetas talla mediana.
- 40 pantalóns de deportes.
- 1 cronómetro.
- 15 pares de botas de fútbol.


Bandeira seis de Maio de mil novecentos oitenta e nove.

Vº Bº

O PRESIDENTE.


asdo. José López Casal.-

O TESOUREIRO


asdo. Manuel Vieitez Costoyas.-

Comprobado y
Conforme



PRESUPOSTO INICIAL DA SOCIEDADE DEPORTIVA BANDEIRA.

En reunión da Xunta Directiva da Sociedade Deportiva Bandeira celebrada, na Biblioteca do Centro Cultural, o día once de Marzo de mil novecentos oitenta e nove acordouse establecer como cuotas para socios as seguintes:

- Socios de Número ----- 1.000 pts./ano.-
- Socios Aspirantes ----- 500 pts./ano.-

O Presuposto Inicial da Sociedade Deportiva Bandeira baséase no número de Socios con que conte e que nun principio queda do xeito seguinte:

- 54 socios de número a 1.000pts./un ---- 54.000pts.-
- 37 socios aspirantes a 500pts./un ----- 18.000 ' .-

Total Presuposto Inicial ----- 72.000pts.-

Bandeira a seis de Maio de mil novecentos oitenta e nove.

Vº Bº

O PRESIDENTE

asdo. José López Casal.-

Comprobado y
Conforme



O TESOUREIRO

asdo. Manuel Vieitez Costoyas.-

A large, stylized handwritten signature in black ink, likely belonging to Manuel Vieitez Costoyas, the Treasurer.

